



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

**NACRT**

Broj: \_\_\_\_\_/17  
Tešanj, \_\_. \_\_. 2017. god.

Na osnovu člana 13. stav 2. Zakona o principima lokalne samouprave u FBiH („Službene novine FBiH”, broj 49/06 i 51/09), člana 4. stav 2.i člana 13.stav 4. Zakona o cestama FBiH („Službene novine FBiH”, broj: 12/10, 16/10, 66/13) i člana 14. Statuta Općine Tešanj („Službeni glasnik Općine Tešanj”, broj: 11/07) Općinsko vijeće na \_\_\_ sjednici održanoj dana \_\_. \_\_. 2017. godine, d o nosi

**ODLUKU**

o lokalnim i nerazvrstanim cestama na području općine Tešanj

**I – OPĆE ODREDBE**

**Član 1.**

(1) Ovom Odlukom uređuje se upravljanje, izgradnja, rekonstrukcija i sanacija, održavanje, zaštita, korištenje, uređenje saobraćaja, finansiranje i poslovi nadzora na lokalnim i nerazvrstanim cestama na području općine Tešanj.

**Član 2.**

(1) Lokalna i nerazvrstana cesta je površina koja se koristi za saobraćaj po bilo kojoj osnovi i koja je pristupačna većem broju korisnika, a nije svrstana ni u jednu kategoriju javnih cesta.

**Član 3.**

(1) Lokalnu i nerazvrstanu cestu čini:

- cestovna građevina ( gornji i donji stroj ceste),
- cestovno zemljište koje pripada cesti,
- vazdušni prostor iznad kolovoza u visini do 7 m,
- cestovni građevinski objekti ( mostovi, propusti, nadvožnjaci, podvožnjaci, nathodnici, pothodnici, potporni i obložni zidovi, nasipi, i sl.),
- građevine za odvodnju i pročišćavanje vode,
- saobraćajne površine uz kolovoz (pješačke staze neposredno uz kolovoz ili odvojene od kolovoza, autobuska stajališta i okretišta),
- saobraćajna signalizacija (horizontalna i vertikalna saobraćajna signalizacija, instalacije i javna rasvjeta u funkciji saobraćaja, svjetlosno-signalni uređaji, oprema parkirališta, odmorišta i sl.),
- oprema ceste (snjegobrani, vjetrobri, zaštite od obrušavanja i nanosa, zaštitne i sigurnosne ograde, odbojnici i sl.).

**II – UPRAVLJANJE LOKLANIM I NERAZVRSTANIM CESTAMA**

**Član 4.**

(1) Općinski načelnik putem nadležnih općinskih službi vrši:

- poslove projektovanja, izgradnje, rekonstrukcije, održavanja i zaštite lokalnih i nerazvrstanih cesta,
- stvara uslove za normalno korištenje i provođenje mjera zaštite lokalnih i nerazvrstanih cesta,

(2) Općinski načelnik putem nadležne Službe Općine Tešanj (u daljem tekstu: nadležna Služba Općine Tešanj) vrši:

- privremeno zabranjuje ili ograničava odvijanje saobraćaja na lokalnoj i nerazvrstanoj cesti ili dijelu lokalne i nerazvrstane ceste zavisno od stanja ceste, izvođenje radova i mogućnosti obavljanja saobraćaja,
- vodi evidenciju (bazu podataka) lokalnih i nerazvrstanih cesta,
- daje odobrenja i saglasnosti za izvođenje radova na cesti i u pojasu lokalnih i nerazvrstanih cesta.

### III IZGRADNJA, REKONSTRUKCIJA I SANACIJA LOKALNIH I NERAZVRSTANIH CESTA

#### Član 5.

(1) Općinski načelnik Tešanj putem nadležnih općinskih službi vrši poslove izgradnje, rekonstrukcije i održavanja lokalnih i nerazvrstanih cesta ustupa u skladu sa odredbama Zakona o javnim nabavkama BiH.

#### Član 6.

(1) Izgradnja, rekonstrukcija, sanacija i održavanje lokalnih i nerazvrstanih cesta vrši se u skladu sa savremenim stručnim saznanjima i procjenama opravdanosti.

#### Član 7.

(1) Planiranje radova na lokalnim i nerazvrstanim cesta vrši se u skladu sa Planom koji na prijedlog nadležne Općinske Službe donosi Općinski načelnik.

#### Član 8.

(1) Pod izgradnjom lokalnih i nerazvrstanih cesta u smislu ove Odluke smatra se izgradnja lokalnih i nerazvrstanih cesta po pretežno novoj trasi, a obuhvaćaju građevinsko projektovanje i drugo projektovanje sa istražnim radovima, projektovanje opreme, pratećih objekata, saobraćajne signalizacije i drugo projektovanje, otkup zemljišta i objekata, premještanje komunalne infrastrukture, pribavljanje odobrenja za građenje, ustupanje radova građenja, organizaciju stručnog nadzora i kontrole ugrađenih materijala i izvedenih radova, tehnički pregled i primopredaja na korištenje i upravljanje lokalnih i nerazvrstanih cesta i objekata.

(2) Pod rekonstrukcijom lokalne i nerazvrstane ceste u smislu ove Odluke smatraju se radovi na dijelu postojeće ceste kojim se mijenjaju njene tehničko-građevinske karakteristike i konstruktivni elementi sa ciljem povećanja kapaciteta ceste i poboljšanja uslova saobraćajnih usluga.

(3) Izgradnja i rekonstrukcija lokalnih i nerazvrstanih cesta se može izvesti na osnovu tehničke dokumentacije izrađene od ovlaštenog pravnog lica.

(4) Pod sanacijom lokalnih i nerazvrstanih cesta u smislu ove Odluke podrazumijevaju se radovi kojima se poboljšava sigurnost učesnika u saobraćaju i održavanje projektovanog stanja lokalnih i nerazvrstanih cesta.

(5) Sanacija lokalnih i nerazvrstanih cesta se može izvesti bez tehničke dokumentacije izrađene od ovlaštenog pravnog lica, projekta i građevinske dozvole.

#### Član 9.

(1) Minimalna širina kolovoza lokalne i nerazvrstane ceste koja se izgrađuje je minimalno 4,50 m za dvosmjerni saobraćaj i 3,0 m za jednosmjerni saobraćaj sa konstrukcijom koja podnosi minimalno osovinsko opterećenje od 6 t.

#### Član 10.

(1) Iznad cijele širine kolovoza lokalne i nerazvrstane ceste mora biti slobodan prostor od najmanje 7,0 m.

#### Član 11.

(1) Ako je prilikom izgradnje lokalne i nerazvrstane ceste planirana i izgradnja komunalnih, vodoprivrednih i drugih objekata, tehnička dokumentacija mora obuhvatiti i te objekte i radove koji se planiraju izvesti.

(2) Troškove izrade tehničke dokumentacije i izgradnje objekata iz stava 1. ovog člana snosi investitor planiranih objekata i radova.

#### Član 12.

- (1) U slučaju rekonstrukcije lokalne i nerazvrstane ceste i vršenja radova koja iziskuju premještanje postojećih instalacija u cestovnom pojasu, vlasnici tih instalacija su dužni o svom trošku izmjestiti te instalacije odnosno prilagoditi ih nastalim promjenama.
- (2) Investitor radova na rekonstrukciji ceste dužan je najmanje tri mjeseca ranije obavijestiti vlasnika instalacija o početku radova na rekonstrukciji lokalne i nerazvrstane ceste i omogućiti mu uvid u tehničku dokumentaciju, ali nije obavezan pribavljati saglasnost vlasnika postojećih instalacija.
- (3) U slučaju da vlasnik instalacija ne izvrši obavezu iz prethodnog stava, investitor radova na rekonstrukciji lokalne i nerazvrstane ceste će izvršiti premještanje postojećih instalacija na teret vlasnika instalacija.
- (4) U slučaju preusmjeravanja saobraćaja na lokalnu i nerazvrstanu cestu radi izvođenja radova na javnoj cesti, upravitelj javne ceste je dužan, po okončanju radova i uspostavljanju saobraćaja na javnoj cesti, u što kraćem roku otkloniti nastala oštećenja na lokalnoj i nerazvrstanoj cesti radi dovođenja lokalne i nerazvrstane ceste i saobraćaja u prvobitno stanje.

### IV ODRŽAVANJE LOKALNIH I NERAZVRSTANIH CESTA

#### Član 13.

- (1) Pod održavanjem lokalnih i nerazvrstanih cesta u smislu ove Odluke smatra se izvođenje radova kojima se osigurava nesmetan i siguran saobraćaj i očuvanje projektovanog stanja ceste.

#### Član 14.

- (1) Poslovi održavanja lokalnih i nerazvrstanih cesta su:
  1. poslovi redovnog održavanja i
  2. poslovi vanrednog održavanja.

#### Član 15.

- (1) Redovno održavanje čini skup mjera i radnji koje se obavljaju tokom većeg dijela ili cijele godine na lokalnim i nerazvrstanim cestama uključujući i sve objekte i instalacije sa svrhom održavanja prohodnosti i sigurnosti saobraćaja na njima.
- (2) Poslovi redovnog održavanja lokalnih i nerazvrstanih cesta obuhvataju:
  - popravak kolovoza, trupa ceste, potpornih i obložnih zidova i objekata na cesti,
  - saniranje udarnih rupa na kolovozu,
  - čišćenje kolovoza i objekata za odvodnju,
  - održavanje bankina, kosina nasipa, usjeka i zasjeke,
  - zamjena i popravak saobraćajne signalizacije i ostale opreme na cesti,
  - izvođenje poslova u svrhu održavanja preglednosti ceste i znakova,
  - košenje trave i održavanje zelenih površina u cestovnom pojasu,
  - čišćenje snijega sa kolovoza i autobuskih stajališta,
  - posipanje kolovoza u slučaju poledice,
  - obavljanje drugih poslova kojima se osigurava stalan i siguran saobraćaj na lokalnim i nerazvrstanim cestama.

#### Član 16.

- (1) Vanredno održavanje lokalnih i nerazvrstanih cesta obuhvaća obimnije radove koji se izvode u cestovnom pojasu i samo na osnovu tehničke dokumentacije i bez pribavljanja saglasnosti i druge dokumentacije prema Zakonu o prostornom uređenju i građenju Ze-do kantona.
- (2) Poslovi vanrednog održavanja lokalnih i nerazvrstanih cesta obuhvataju:
  - obnavljanje, zamjena i ojačavanje dotrajalih kolovoza,
  - obnavljanje potpornih zidova,
  - ojačavanje i zamjenu propusta,
  - ojačavanje mostova i zaštita čelične konstrukcije,
  - izrada pješačkih staza i ugrađivanje ivičnjaka,
  - saniranje klizišta i odrona,

- obavljanje drugih obimnijih poslova koji ne spadaju u redovno održavanje.

#### Član 17.

(1) Poslovi redovnog i vanrednog održavanja lokalnih i nerazvrstanih cesta povjeravaju se pravnom licu po postupku i na način predviđen Zakonom o javnim nabavkama BiH.

(2) Izabrano pravno lice radove izvodi u skladu sa ugovorom kojim se regulišu vrsta radova koji su predmet ugovora, period na koji se ugovor zaključuje, ugovorena vrijednost radova, obaveze izvršioca radova, obaveze naručioca radova, stručni nadzor nad izvođenjem radova, odgovornost za eventualno prouzrokovane štete, način rješavanja nesuglasica i sporova, te ostala pitanja od važnosti za izvršavanje radova na održavanju lokalnih i nerazvrstanih cesta.

#### Član 18.

(1) Održavanje revizijskih okana komunalnih instalacija i svih vrsta uređaja postavljenih unutar cestovnog pojasa lokalne i nerazvrstane ceste dužan je provoditi vlasnik instalacija i uređaja.

#### Član 19.

(1) Radovi na održavanju lokalne i nerazvrstane ceste se trebaju izvoditi tako da se zbog njih ne obustavlja saobraćaj.

(2) U slučaju da planirani radovi zahtijevaju obustavljanje saobraćaja, nadležna Služba Općine Tešanj na zahtjev izvođača radova, ocjenjuje opravdanost zahtjeva i izdaje odobrenje za obustavljanje saobraćaja i/ili izmjenu režima saobraćaja na lokalnoj i nerazvrstanoj cesti.

(3) U izdatom odobrenju izvođaču se nalaže i postavljanje dopunske saobraćajne signalizacije i eventualno preduzimanje ostalih radnji potrebnih za sigurno odvijanje saobraćaja.

(4) Ukoliko se radovi na održavanju lokalne i nerazvrstane ceste koji iziskuju izmještanje saobraćaja izvode na dijelu lokalne i nerazvrstane ceste gdje ne postoji mogućnost izmještanja saobraćaja, u odobrenju se može naložiti da se radovi izvode noću.

(5) U izdatom odobrenju izvođaču se nalaže da nakon završetka radova ukloni dopunsku saobraćajnu signalizaciju i lokalnu i nerazvrstanu cestu dovede u stanje za neometano odvijanje saobraćaja.

### V ZAŠTITA I KORIŠTENJE LOKALNIH I NERAZVRSTANIH CESTA

#### Član 20.

(1) Pod zaštitom lokalne i nerazvrstane ceste u smislu ove Odluke podrazumijeva se:

- zaštita cesta od prekomjernog opterećenja,
- zaštita ceste od prekoračenja ukupne mase i osovinskog opterećenja,
- sprečavanje vršenja bespravnih radnji i gradnje u cestovnom pojasu,
- sprečavanje vršenja radnji na cesti i u cestovnom pojasu kojima bi se mogla oštetiti cesta, odnosno ugroziti saobraćaj ili povećati troškovi održavanja lokalne i nerazvrstane ceste,
- osiguranje preglednosti na raskrscima i krivinama,
- regulisanje odnosa sa susjedima uz lokalnu i nerazvrstanu cestu,
- sprečavanje deponovanja materijala na cestu ili uz cestu,
- regulisanje postavljanja kablova, vodova i instalacija u trupu ceste u cestovnom pojasu,
- regulisanje odvodnje, prekopavanja cestovnih i odvodnih kanala,
- regulisanje postavljanja i dopunjavanja saobraćajne i turističke signalizacije,
- regulisanje postavljanja reklamnih znakova,
- evidentiranje cesta, cestovnog pojasa, saobraćajne signalizacije i opreme na cestama,
- obaveza ugovaranja održavanja i zaštite cesta,
- regulisanje ograničenja i obustave saobraćaja,
- regulisanje gradnje prilaza,
- zaštita od nekontrolisanog izlaska većeg broja ljudi, djece, stoke i divljači na cestu,
- uklanjanje pokvarenih, napuštenih i oštećenih vozila sa ceste ili cestovnog pojasa,
- vršenje drugih radnji u svrhu zaštite lokalnih i nerazvrstanih cesta.

#### Član 21.

- (1) Vozila na lokalnoj i nerazvrstanoj cesti moraju ispunjavati određene uslove u smislu dozvoljenih dimenzija, ukupne mase i osoviniskog opterećenja.
- (2) Prekomjerno opterećenje lokalne i nerazvrstane ceste podrazumijeva njenu upotrebu iznad vrijednosti saobraćajnog opterećenja za koju je cesta projektovana odnosno građena nastalu zbog obavljanja djelatnosti pravnih i fizičkih lica uz lokalnu i nerazvrstanu cestu.
- (3) Pod povećanjem saobraćajnog opterećenja iz stava (2) ovog člana u smislu prekomjerne upotrebe, smatra se učestalo saobraćanje istih vozila sa teretom po istim dionicama lokalne i nerazvrstane ceste.
- (4) Pod djelatnostima iz stava (2) ovog člana kod kojih može doći do prekomjernog opterećenja lokalne i nerazvrstane ceste smatra se: izgradnja infrastrukturnih i drugih objekata, proizvodnja odnosno eksploatacija energetskih mineralnih sirovina ili drugih prirodnih materijala, preusmjerenje saobraćaja zbog zatvaranja javne ceste na duže od 10 dana na lokalnu i nerazvrstanu cestu.
- (5) Ako se lokalna i nerazvrstana cesta koristi na način da dolazi do prekomjernog saobraćajnog opterećenja pravna ili fizička lica koja je na taj način koriste su dužna podnijeti zahtjev za izdavanje odobrenja za prekomjernu upotrebu lokalne i nerazvrstane ceste, te platiti naknadu za prekomjerno opterećenje.
- (6) Zahtjev za izdavanje odobrenja sadržava:
  - opis djelatnosti korisnika,
  - podatke o planiranoj količini tereta koji će se prevoziti lokalnom i nerazvrstanom cestom,
  - kartu cestovne mreže sa ucrtanim itinererima,
  - rješenje nadležnog organa kojim je odobreno obavljanje navedene djelatnosti.
- (7) Naknada za prekomjerno opterećenje lokalne i nerazvrstane ceste obračunava se na osnovu elaborata ili projekta prekomjernog oštećenja kojim se procjenjuju oštećenja na cesti zbog prekomjernog opterećenja.
- (8) Odobrenje za prekomjerno opterećenje izdaje nadležna Služba Općine Tešanj.

#### Član 22.

- (1) Ako se pored lokalne i nerazvrstane ceste nalazi prostor gdje se okuplja veći broj ljudi (sportska, dječija igrališta i sl.) ili zemljište na kojem se zadržavaju životinje (pašnjaci, ekonomska dvorišta i sl.) vlasnik, odnosno korisnik toga zemljišta dužan je taj prostor i zemljište ograditi na dijelu koji se proteže uz lokalnu i nerazvrstanu cestu.
- (2) Ograda iz stava (1) ovog člana postavlja se i održava tako da spriječi mogućnost direktnog dolaska ljudi i životinja s tih prostora i zemljišta na lokalnu i nerazvrstanu cestu.

#### Član 23.

- (1) Zabranjeno je preduzimati bilo kakve radove ili radnje na lokalnoj i nerazvrstanoj cesti i cestovnom pojasu ako bi ti radovi odnosno radnje mogli oštetiti lokalnu i nerazvrstanu cestu, povećati troškove održavanja odnosno ugrožavati ili ometati saobraćaj na istoj, a naročito:
  - iznositi blato ili prljati cestu bilo čime,
  - na lokalnu i nerazvrstanu cestu i u odvodna tijela ceste dovoditi vodu i druge tekućine i ometati njihovo otjecanje,
  - istresati u cestovne jarke materijal ili tekućinu,
  - napajati i napasati životinje u cestovnom pojasu,
  - po lokalnoj i nerazvrstanoj cesti vući grede, balvane, i druge teške predmete kojima bi se cesta mogla oštetiti,
  - prosipati po lokalnoj i nerazvrstanoj cesti maziva i druge masne tvari,
  - ostavljati na cesti i u cestovnom pojasu pokvarena, oštećena ili trajno napuštena vozila,
  - iscrtavati i brisati horizontalnu saobraćajnu signalizaciju,
  - oštećivati, premješati, zaklanjati, okretati, otuđivati vertikalnu saobraćajnu signalizaciju i cestovnu opremu,
  - postavljati reklamne znakove u cestovni pojas bez saglasnosti upravitelja,
  - oštećivati zaštitne i druge ograde pored ceste,
  - paliti travu, korov, građu i drugi materijal u cestovnom pojasu,
  - vršiti bilo kakve radove na kosinama nasipa, zasjeka, usjeka,

- vršiti uzurpaciju cestovnog zemljišta (privoditi ga drugoj namjeni-poljoprivrednoj površini, okućnici i slično).

#### Član 24.

- (1) Vlasnici zemljišta uz cestovni pojas su dužni dopustiti jednostavan odvod vode i odlaganje snijega na njihovo zemljište ako im se time ne nanosi šteta.
- (2) Vlasnici zemljišta uz cestovni pojas su dužni u skladu sa ovom Odlukom i uz odštetu dozvoliti pristup cestovnim objektima radi njihovog održavanja, gradnje odvodnih jaraka i drugih uređaja za odvod vode od cestovnog pojasa do recipijenta, postavljanje privremenih ili stalnih uređaja za zaštitu ceste i saobraćaja na njoj od leda, snijega, buke, štetnih svjetlosnih utjecaja i slično ako ih nije moguće postaviti na zemljište koje je sastavni dio ceste.
- (3) Vlasnici zemljišta uz cestovni pojas su dužni:
  - održavati živice,
  - uklanjati drveće ili dijelove krošnje drvetu koje otežavaju saobraćaj ili onemogućavaju zračenje i sušenje ceste,
  - ugraditi betonske cijevi odgovarajućeg profila na pristupnim prijelazima preko jaraka u nivou sa cestom.

#### Član 25.

- (1) U blizini raskršća dviju lokalnih i nerazvrstanih cesta u istom nivou ili na unutrašnjim stranama cestovnog zavoja i na krivinama ne smije se saditi drveće, grmlje ili visoke poljske kulture, postavljati naprave, ograde, reklamni znakovi ili drugi predmeti koji onemogućavaju preglednost na lokalnoj i nerazvrstanoj cesti (trougao preglednosti).
- (2) Vlasnici odnosno korisnici ili posjednici zemljišta dužni su na zahtjev upravitelja lokalne i nerazvrstane ceste, odnosno korisnika koncesije ukloniti drveće, grmlje ili visoke poljske kulture, naprave, ograde, reklamne znakove i druge predmete radi osiguranja preglednosti na lokalnoj i nerazvrstanoj cesti.
- (3) Ako vlasnik, korisnik ili posjednik zemljišta ne postupi na način iz prethodne odredbe učinit će to pravno lice kome je povjereno održavanje lokalne i nerazvrstane ceste po rješenju općinskog inspektora za ceste na teret vlasnika odnosno korisnika ili posjednika zemljišta.

#### Član 26.

- (1) Saobraćajni znakovi, signalizacija i oprema lokalne i nerazvrstane ceste postavlja se na osnovu Projekta saobraćajne signalizacije.
- (2) Postavljanje saobraćajne i turističke signalizacije na lokalnoj i nerazvrstanoj cesti ustupa se ovlaštenom pravnom licu na način i u skladu sa postupkom propisanim Zakonom o javnim nabavkama BiH.

#### Član 27.

- (1) Nadležna Služba Općine Tešanj u opravdanim slučajevima može rješenjem zabraniti saobraćaj motornih vozila na lokalnoj i nerazvrstanoj cesti.
- (2) Zabrana saobraćaja za sve vrste vozila na lokalnoj i nerazvrstanoj cesti može biti samo privremena, a za pojedine vrste vozila ili vozila iznad određene granice opterećenja može biti trajna.
- (3) U slučaju uvođenja zabrane na lokalnoj i nerazvrstanoj cesti ili njenim pojedinim dijelovima moraju se odrediti alternativni pravci za odvijanje saobraćaja.

#### Član 28.

- (1) Pravna i fizička lica u cilju obavljanja svoje djelatnosti mogu graditi elektronske, telefonske i komunalne objekte i instalacije i postavljati reklame u cestovnom pojasu lokalne i nerazvrstane ceste u skladu sa Zakonom i u skladu sa ovom Odlukom.

#### Član 29.

- (1) Pod priključkom na lokalnu i nerazvrstanu cestu u smislu ove Odluke smatra se spoj lokalne i nerazvrstane ceste i druge uređene površine sa koje se vozila i drugi učesnici u saobraćaju direktno uključuju u saobraćaj ili isključuju iz saobraćaja.

(2) Priključak na lokalnu i nerazvrstanu cestu se može izvesti samo na osnovu odobrenja izdatog od nadležne Službe Općine Tešanj.

(3) Troškove izgradnje priključka na lokalnu i nerazvrstanu cestu u skladu sa projektom saobraćajnog priključka i izdatim odobrenjem snosi investitor priključka.

#### Član 30.

(1) Nadležna Služba Općine Tešanj izdaje:

- odobrenje za priključak na lokalnu i nerazvrstanu cestu,
- odobrenje za izgradnju objekata i instalacija unutar cestovnog pojasa i zaštitnog pojasa lokalne i nerazvrstane ceste,
- odobrenje za postavljanje reklama u cestovnom pojasu lokalne i nerazvrstane ceste,
- odobrenje za prekomjernu upotrebu lokalne i nerazvrstane ceste,
- odobrenje za korištenje cestovnog zemljišta lokalne i nerazvrstane ceste,
- odobrenje za privremenu izmjenu režima saobraćaja na lokalnoj i nerazvrstanoj cesti.

#### Član 31.

(1) Zaštitni pojas lokalne i nerazvrstane ceste je pojas na kome važi poseban režim gradnje i uspostavlja se sa ciljem zaštite lokalne i nerazvrstane ceste i sigurnosti saobraćaja na istoj od štetnih uticaja i različitih aktivnosti u prostoru pored lokalne i nerazvrstane ceste.

(2) U postupku izdavanju odobrenja za građenje objekata ili instalacija unutar cestovnog ili zaštitnog pojasa lokalne i nerazvrstane ceste nadležna Služba Općine Tešanj je obavezna pribaviti prethodnu saglasnost odnosno odobrenje upravitelja.

(3) Zaštitni pojas lokalne i nerazvrstane ceste u smislu stava 1. ovog člana unutar kojeg se ne mogu graditi, bez odobrenja nadležne Službe, stambene i poslovne zgrade, bunari, rezervoari i septičke jame iznosi 5 m od vanjske ivice cestovnog pojasa.

#### Član 32.

(1) Pravna i fizička lica za korištenje cestovnog zemljišta lokalnih i nerazvrstanih cesta u slučajevima iz člana 29. ove Odluke obavezna su plaćati naknadu.

(2) Od obaveze plaćanja naknade za korištenje zemljišta u cestovnom pojasu lokalnih i nerazvrstanih cesta u svrhu polaganja komunalnih instalacija (cjevovodi) oslobađaju se Općina Tešanj, JKP „RAD” d.d. Tešanj, JP „Toplana” d.d. Tešanj i Mjesne zajednice.

(3) Naknada za korištenje cestovnog zemljišta lokalnih i nerazvrstanih cesta utvrđuje se ovom Odlukom i plaća unaprijed u jednokratnom iznosu.

#### Član 33.

(1) Visina naknade za korištenje cestovnog zemljišta lokalnih i nerazvrstanih cesta obračunava se po m<sup>2</sup> na godišnjem nivou i iznosi:

1. za benzinske stanice, hotele, motele, ostale ugostiteljske objekte, autoservise i druge poslovne i proizvodne objekte 2,00 KM/m<sup>2</sup>,
2. stambeni objekti ne podliježu plaćanju naknade za korištenje cestovnog zemljišta lokalne i nerazvrstane ceste.

(2) Visina naknade za korištenje cestovnog zemljišta lokalnih i nerazvrstanih cesta obračunava se po m<sup>1</sup> na godišnjem nivou i iznosi:

1. za infrastrukturne vodove (telekomunikacijske, elektronske kablove i druge linijske vodove) 0,75 KM/m<sup>1</sup>.

(3) Visina naknade za korištenje cestovnog zemljišta lokalnih i nerazvrstanih cesta za postavljanje reklame obračunava se po m<sup>2</sup> na godišnjem nivou i iznosi:

1. jednostrana reklama neosvijetljena 10,00 KM/m<sup>2</sup>,
2. jednostrana reklama osvijetljena 20,00 KM/m<sup>2</sup>,
3. dvostrana reklama neosvijetljena 15,00 KM/m<sup>2</sup>,
4. dvostrana reklama osvijetljena 30,00 KM/m<sup>2</sup>.

(4) Visina naknade za prekomjernu upotrebu lokalne i nerazvrstane ceste utvrđuje se na osnovu Elaborata o procjeni oštećenja koje će prekomjerna upotreba lokalnih i nerazvrstanih cesta prouzrokovati.

- (5) Elaborat o procjeni oštećenja o prekomjernoj upotrebi lokalne i nerazvrstane ceste izrađuje stručno lice koje će posebnim aktom imenovati upravitelj lokalne i nerazvrstane ceste.
- (6) Naknada po rješenju iz stava (1) i (2) ovog člana obračunava se od dana donošenja rješenja do 31.12. tekuće godine, a za svaku narednu godinu korištenja cestovnog zemljišta donosi se novo rješenje u kojem je obračunski period od dana 01.01. do 31.12. odnosne godine.
- (7) Naknada po rješenju iz stava (3) ovog člana obračunava se za vremenski period odobrenog korištenja cestovnog zemljišta.

#### Član 34.

- (1) Pored naknada koje su korisnici dužni plaćati u skladu sa članom 33.ove Odluke, podnosioci zahtjeva plaćaju i administrativne troškove postupka za donošenje rješenja i to:
1. naknada za davanje saglasnosti, odnosno odobrenja za lokaciju i izgradnju objekata, benzinske stanice i ugostiteljskih objekata sa priključkom na lokalnu i nerazvrstanu cestu iznosi 200,00 KM,
  2. naknada za davanje saglasnosti, odnosno odobrenja za polaganje infrastrukturnih vodova (telekomunikacijske instalacije, elektroinstalacije i druge linijske vodove) kroz trup ceste i cestovni pojas lokalne i nerazvrstane ceste iznosi 100,00 KM,
  3. naknada za davanje saglasnosti, odnosno odobrenja za postavljanje reklama u cestovnom pojasu lokalne i nerazvrstane ceste iznosi 50,00 KM,
  4. naknada za davanje saglasnosti, odnosno odobrenja za izgradnju prilaza na lokalnu i nerazvrstanu cestu iznosi 50,00 KM,
  5. naknada za davanje odobrenja za prekomjernu upotrebu lokalne i nerazvrstane ceste iznosi 40,00 KM.

### VI FINANSIRANJE LOKALNIH I NERAZVRSTANIH CESTA

#### Član 35.

- (1) Finansijska sredstva za održavanje, zaštitu, obnovu, rekonstrukciju i izgradnju lokalnih i nerazvrstanih cesta osiguravaju se :
- A- iz javnih prihoda:
1. naknadama za lokalne i nerazvrstane ceste koje se plaćaju za vanrednu upotrebu ceste (vanredni prijevoz),
  2. naknadama za lokalne i nerazvrstane ceste koje se plaćaju za prekomjernu upotrebu ceste zbog opterećenja i učestalosti vozila,
  3. naknadama za korištenje cestovnog zemljišta ili od reklamnih znakova,
  4. ostale naknade,
- B- kreditima
- C- donacijama/grantovima
1. iz sredstava federalnog budžeta, budžeta kantona, te budžeta općine,
  2. donacijama drugih donatora.

### VII INSPEKCIJSKI NADZOR

#### Član 36.

- (1) Poslove inspeksijskog nadzora nad provođenjem ove Odluke vrši općinski komunalni i općinski građevinski inspektor.
- (2) Općinski komunalni inspektor, vršeći inspeksijski nadzor u skladu sa Zakonom o cestama FBiH, ima slijedeća prava i dužnosti:
1. pregledati stanje cesta,
  2. pregledati radove na sanaciji, održavanju i zaštiti lokalnih i nerazvrstanih cesta,
  3. pregledati radove koji se obavljaju na cesti u zaštitnom i cestovnom pojasu lokalnih i nerazvrstanih cesta,
  4. pregledati planove, programe, ugovore i ostalu dokumentaciju koja se odnosi na održavanje i zaštitu lokalnih i nerazvrstanih cesta,
  5. pregledati provođenje mjere za osiguranje lokalnih i nerazvrstanih cesta i saobraćaja na njima,



6. pregledati provođenje propisanih uvjeta za obavljanje zahvata u cestovnom i zaštitnom pojasu lokalnih i nerazvrstanih cesta,
  7. pregledati obavljanje upravnih i stručno-tehničkih poslova na lokalnim i nerazvrstanim cestama.
- (3) Općinski komunalni inspektor, vršeći inspeksijski nadzor, ima pravo:
1. pregledati objekte, uređaje, materijale, dokumentaciju preduzeća i upravnih organizacija koje upravljaju cestama, kao i izvođača na gradnji, rekonstrukciji ili održavanju cesta,
  2. saslušati stranke i svjedoke primjenom pravila upravnog postupka,
  3. uzeti uzorke materijala, te obavljati druge poslove koji su u skladu sa namjenom inspeksijskog nadzora.
- (4) Vršeći inspeksijski nadzor, općinski komunalni inspektor ima pravo narediti:
1. obustavu radova koji se izvode na lokalnim i nerazvrstanim cestama, u cestovnom ili zaštitnom pojasu, suprotno odredbama Zakona o cestama FBiH, ove Odluke, tehničkim propisima, standardima i normativima, te dati rok za otklanjanje nedostataka,
  2. otklanjanje nedostataka na lokalnim i nerazvrstanim cestama koji ugrožavaju sigurnost saobraćaja na njima,
  3. privremenu zabranu odvijanja saobraćaja na lokalnim i nerazvrstanim cestama ili njihovom dijelu, ako utvrdi da se na njima ne može sigurno odvijati saobraćaj, te narediti da se odmah poduzmu mjere za osiguranje saobraćaja,
  4. obustavu saobraćaja cestovnim motornim vozilima koja zbog svojih tehničkih svojstava ili načina na koji saobraćaju mogu nanijeti štetu lokalnim i nerazvrstanim cestama ili njenom dijelu i kada je njihov saobraćaj na cesti u suprotnosti sa zakonom i drugim propisima,
  5. isključenje cestovnog motornog vozila iz saobraćaja na lokalnoj i nerazvrstanoj cesti kada utvrdi da dimenzije i ukupna masa ili njegovo osovinsko opterećenje prelazi veličine iz člana 56. Zakona o cestama FBiH, a prijevoznik nema odgovarajuću dozvolu za vanredni prevoz,
  6. privremenu zabranu saobraćaja na novoizgrađenoj i rekonstruiranoj lokalnoj i nerazvrstanoj cesti, njenom dijelu ili objektu na njoj, ako utvrdi da sa gledišta sigurnosti saobraćaja ne ispunjava tehničke uslove,
  7. uklanjanje reklamnih znakova u cestovnom i zaštitnom pojasu postavljenih bez odobrenja ili suprotno uslovima iz odobrenja nadležnog organa,
  8. u nužnim slučajevima, kada bi bila ugrožena sigurnost saobraćaja na lokalnoj i nerazvrstanoj cesti ili bi mogla nastati šteta na njoj, odrediti privremene mjere kako bi se otklonila opasnost ili spriječila šteta,
  9. da se u polju preglednosti otklone nedostaci i nepravilnosti prouzrokovane kršenjem propisanih mjera za osiguranje preglednosti lokalne i nerazvrstane ceste,
  10. poduzimanje i drugih mjera u skladu sa Zakonom o cestama FBiH i drugim propisima donesenim na osnovu ovog zakona.
- (5) Općinski komunalni inspektor je dužan bez odlaganja izdati prekršajni nalog i podnijeti zahtjev za pokretanje prekršajnog postupka, ako u vršenju nadzora utvrdi da je počinjen prekršaj iz ove Odluke.
- (6) Općinski komunalni inspektor potrebne mjere poduzima donošenjem rješenja u pisanoj formi.
- (7) Općinski građevinski inspektor, vršeći inspeksijski nadzor u skladu sa Zakonom o građenju ZDK, ima slijedeća prava i dužnosti:
1. pregledati radove na izgradnji i rekonstrukciji lokalnih i nerazvrstanih cesta,
  2. pregledati tehničku dokumentaciju u vezi sa radovima iz predhodne tačke 1. (dozvole, saglasnosti, projekti, standardi i dr.),
  3. ako utvrdi povredu propisa poduzima mjere u skladu sa Zakonom o građenju ZDK, donošenjem rješenja u pisanoj formi, uključujući i rušenje građevine ili njenih dijelova i drugih objekata na teret investitora, kao i uspostavljanje prvobitnog stanja, ako su izgrađene ili se grade na lokalnoj i nerazvrstanoj cesti ili cestovnom pojasu bez odobrenja ili saglasnosti ili suprotno uvjetima iz odobrenja, odnosno saglasnosti nadležnog organa,

#### Član 37.

- (1) Pravna i fizička lica kod kojih se vrši inspeksijski nadzor dužna su omogućiti rad inspektoru, pružiti potrebnu pomoć i na njegovo traženje u određenom roku dostaviti podatke i dokumentaciju za vršenje inspeksijskog nadzora u smislu Zakona o cestama FBiH i ove Odluke.

## VIII KAZNENE ODREDBE

### Član 38.

(1) Za prekršaje utvrđene u ovoj Odluci kaznit će se počinitelj novčanom kaznom u iznosu od 50,00 KM do 500,00 KM ako:

1. vrši izgradnju ceste bez odobrenja za građenje,
2. vrši izgradnju ili rekonstrukciju ceste sa nepotpunom tehničkom dokumentacijom,
3. ne izmjesti ili ne prilagodi instalacije nastalim promjenama u roku (član 12.),
4. ne osigura trajno, neprekidno i kvalitetno održavanje i zaštitu cesta ili ne zaključi ugovor o održavanju cesta u skladu sa odredbama člana 18. ove Odluke,
5. ne održava revizijska okna i instalacije iz člana 19. ove Odluke,
6. prekomjerno koristi lokalnu i nerazvrstanu cestu suprotno članu 22. ove Odluke,
7. ne postavi ogradu na dijelu prostora gdje se okuplja veći broj ljudi ili na zemljištu na kojem se redovno zadržavaju životinje, a koji se protežu uz lokalnu i nerazvrstanu cestu (član 23.),
8. ne poštuje zabrane propisane članom 24. ove Odluke,
9. ne poštuje odredbe propisane članom 25. ove Odluke,
10. sadi drveće, grmlje ili visoke poljske kulture, postavlja naprave, ograde, reklamne znakove ili druge predmete koji onemogućavaju preglednost na cestu (trougao preglednosti) u blizini ukrštanja dviju cesta u nivou ili na unutrašnjim stranama cestovnog zavoja (član 26.),
11. bez saglasnosti upravitelja izvrši ili odobri izgradnju instalacija ili građevina (član 32.),
12. ne omogući vršenje inspeksijskog nadzora i ne pruži pomoć pri vršenju inspeksijskog nadzora (član 38.).

(2) Novčanom kaznom u iznosu od 500,00 KM do 5.000,00 KM kaznit će se pravno lice, a u iznosu od 100,00 KM do 500,00 KM odgovorno lice u pravnom licu za radnje koje imaju obilježja prekršaja.

(3) Novčanom kaznom u iznosu od 200,00 KM do 2.000,00 KM kaznit će se pojedinac koji samostalno obavlja djelatnost ličnim radom (samostalni privrednik, obrtnik).

(4) Novčanom kaznom u iznosu od 50,00 KM do 500,00 KM kaznit će se fizičko lice.

(5) Novčanom kaznom u iznosu od 500,00 KM kaznit će se subjekt nadzora koji ne postupi po rješenju nadležnog inspektora.

## IX PRELAZNE ODREDBE

(1) Ovom Odlukom stavlja se van snage Odluka o izmjenama i dopunama Odluke o lokalnim i nekategorisanim cestama ("Službeni glasnik" Općine Tešanj 8/06 i 7/10) i Odluka o održavanju cesta ("Službeni glasnik" Općine Tešanj 6/07 i 7/10).

(2) Sastavni dio ove Odluke je spisak Lokalnih cesta na području Općine Tešanj i biće na snazi do donošenja Odluke o razvrstavanju lokalnih cesta i ulica od strane Vlade Kantona u skladu sa članom 9. Zakona o cestama Federacije BiH .

## X ZAVRŠNE ODREDBE

### Član 39.

(1) Ova Odluka stupa na snagu osmog dana od dana objavljivanja u „Službenom glasniku Općine Tešanj“.

PREDSJEDAVAJUĆI  
OPĆINSKOG VIJEĆA

Senad Subašić, dipl.oec

## **O b r a z l o Ź e n j e**

### **1. PRAVNI OSNOV**

Pravni osnov za donošenje ove Odluke sadrжан je u :

- članu 13. stav 2. Zakona o principima lokalne samouprave u FBiH („Službene novine FBiH”, broj 49/06 i 51/09), članu 14. Statuta općine Tešanj („Službeni glasnik Općine Tešanj”, broj: 11/07) kojima je propisana nadležnost Općinskog vijeća za donošenje ove Odluke,
- te članu 4. stav 2., član 9. stav 2. i član 13. stav 4. Zakona o cestama FBiH („Službene novine FBiH”, broj: 12/10, 16/10, 66/13) kojim je određeno da se izgradnja, korištenje, održavanje, zaštita i rekonstrukcija lokalnih i nerazvrstanih cesta, kao i poslovi nadzora nad tim cestama, uređuju gradskim ili općinskim propisom u skladu sa Zakonom.

### **2. RAZLOZI ZA DONOŠENJE**

Odredbama Zakona o cestama u FBiH ceste se dijele na javne i lokalne i nerazvrstane .

Javne ceste su: autoceste, brze ceste, magistralne, regionalne i lokalne ceste, te saobraćajnice u naseljima. Upravljanje autocestama i brzim cestama vrši JP Autoceste FBiH, upravljanje magistralnim cestama vrši JP Ceste FBiH, upravljanje regionalnim cestama vrše javne kantonalne ustanove za ceste, dok upravljanje lokalnim cestama vrše nadležni općinski organi.

Mjerila i kriterije za razvrstavanje javnih cesta i odluku o razvrstavanju javnih cesta, osim lokalnih cesta, utvrđuje Vlada FBiH, dok odluku o razvrstavanju lokalnih cesta donosi Vlada kantona.

Do donošenja Odluke o razvrstavanju cesta od strane Vlade kantona u skladu sa članom 9. stav 2. Zakona o cestama, Općina Tešanj će primjenjivati spisak lokalnih cesta koji je sastavni dio ove Odluke.

Zakonom o cestama FBiH, članom 4. propisano je da je lokalna i nerazvrstana cesta površina koja se koristi za saobraćaj po bilo kojoj osnovi i koja je pristupačna većem broju korisnika, te da se izgradnja, korištenje, održavanje, zaštita i rekonstrukcija lokalnih i nerazvrstanih cesta, kao i poslovi nadzora nad tim cestama, uređuju gradskim ili općinskim propisom u skladu sa Zakonom.

### **3. PREDLOŽENA RJEŠENJA**

Ovom Odlukom, a u cilju prije svega zaštite lokalnih i nerazvrstanih cesta i stvaranja uslova za vršenje inspekcijuskog nadzora, uređuje se upravljanje, izgradnja, rekonstrukcija i sanacija, održavanje, zaštita, korištenje, uređenje saobraćaja, finansiranje i poslovi nadzora na lokalnim i nerazvrstanim cestama na području općine Tešanj čije su odredbe sistematizirane u IX poglavlja i to:

I- Opće odredbe

II- Upravljanje lokalnim i nerazvrstanim cestama

III- Izgradnja, rekonstrukcija i sanacija lokalnih i nerazvrstanih cesta

IV- Održavanje lokalnih i nerazvrstanih cesta

V- Zaštita i korištenje lokalnih i nerazvrstanih cesta

VI- Finansiranje lokalnih i nerazvrstanih cesta

VII- Inspekcijski nadzor

VIII- Kaznene odredbe

IX- Završne odredbe

Imajući u vidu činjenicu da se lokalne i nerazvrstane ceste oštećuju zbog njihove prekomjerne upotrebe, odnosno upotrebe iznad vrijednosti saobraćajnog opterećenja za koju je građena, nastalu zbog obavljanja djelatnosti pravnih ili fizičkih lica uz lokalnih i nerazvrstanih cestu, učestalim saobraćanjem istih vozila po istim dionicama ceste, ova Odluka je preduslov za obračun i naplatu naknade za prekomjernu upotrebu ceste i vršenje nadzora.

#### **4. FINANSIJSKA SREDSTVA POTREBNA ZA PROVOĐENJE ODLUKE**

Finansijska sredstva za provođenje ove Odluke planiraju se svake godine u Budžetu Općine Tešanj.

#### **OBRADIVAČ**

Služba za finansije, privredu,  
komunalne i inspekcijske poslove

Hamzalija Hojkurić, dipl. ecc.

---

#### **PREDLAGAČ**

OPĆINSKI NAČELNIK

Mr. Sci. Suad Huskić

---

Broj: 04-02-1-1855-3/16

Datum: 09.10.2017. godine